



STYRKER ARBEIDET MOT UTANFORSKAP.

UTANFORSKAP ER FELLES FOR BARN SOM LEVER I FAMILIAR MED VARIG SVAK ØKONOMI, FOR SOSIALT ISOLERTE OG FOR PSYKISK SJUKE. I 2021–2023 VIL VI STYRKE VÅRT ARBEID MED Å INKLUDERE SÅRBARE GRUPPER I DEIRA LOKALSAMFUNN.


Det er stadig fleire born som veks opp i familiar med varig svak økonomi. Desse familiane har ikkje råd til det dei fleste tek for gitt. Ikkje berre veks barna opp med foreldra si bekymring, dei får ofte ikkje delta i lokalsamfunnet på linje med andre. Vi ønskjer å hjelpe gjennom våre gratis ferietilbod, støtte i juletida og andre lågterskelaktivitetar for barn og unge, og ved å tale deira sak der vi kan.

Stadig fleire kjenner på einsemd og sosial isolasjon, og det gjeld ikkje berre dei eldste. Dette har konsekvensar for både den psykiske og fysiske helsa til dei det gjeld. Vi ønskjer å styrke arbeidet med å bringe folk saman gjennom sosiale aktivitetar i lokalsamfunna og ein-til-ein-tilbod.

Press, stress, uoppnåelege ideal og psykisk uhelse heng ofte saman, spesielt hjå ungdommen. Vi skal levere tilbod innan psykisk helse og kunnskap og sjølvbevisstheit knytt til seksuell helse, og vere talsperson for dei som slit.

For å få dette til skal vi samtidig styrke kunnskapsgrunnlaget for arbeidet vårt, slik at vi lettare kan utvikle oss, finne løysingar og gjere tiltak som har enda betre humanitær effekt. I dette ligg det også å søke nye digitale verktøy, som lettar arbeidet, som tek i vare personvernet, og som gjer oss i betre stand til å ta imot nye frivillige og få dei raskt og trygt ut i aktivitet.

Det er vanlege menneske i lokalsamfunna som skal gjere denne jobben. Vi skal arbeide målretta for at nye medlemmer og frivillige av alle valørar vil vere med. Eit godt tilsig og mangfald i frivilligheita vil legge det beste grunnlaget for å avdekke, hindre og lindre naud og lidning.



MÅL FOR HUMANITÆRE INNSATSOMRÅDE

2.1 REDDE LIV

MENNESKE ER BUDDÉ PÅ, OVERLEVER
OG KJEM SEG RASKT ETTER KRISER



Distriktet skal være pådrivar for å sikre kapasitet og kompetanse innan beredskap, slik at lokale ledd er godt budde på kriser. Det skal skje ved:

- å auke kunnskapen, oppdatere planverk og gjennomføre øvingar
- støtte til samhandling med kommunane
- å styrke beredskapen på dei humanitære følgjene av klimaendringar
- å auke førstehjelpskunnskapen blant eigne frivillige og i lokalsamfunnet

Distriktet skal være pådrivar for å sikre nødvendig kapasitet og kompetanse innan søk og redning for å dekke behova i området vårt. Det skal skje ved å:

- sikre stabilt tal operative hjelpekorps med kompetente leiingar
- sikre tilvekst av nye, godkjende hjelpekorpsarar
- utdanne nye aksjonsleiingar og fagleiingar skred
- opprette skredgruppe i Sunnfjord.

2.2 TRYGG OPPVEKST

BARN OG UNGE UTVIKLAR SEG I TRYGGE
OG AKSEPTERANDE OMGJEVNER, PREGA AV
INKLUDERANDE FELLESSKAP



Distriktet skal være pådrivar for at barn og barnefamiliar med utsett økonomi og som er i utsette livssituasjonar, får opplevingar som dei kan bygge vidare på i kvardagen. Det skal skje ved å:

- arrangere tre Ferie for alle-leiingar på Haugland, og éin vinterleir i Stryn
- legge til rette for gode opplevingar i juletida, som gáver og arrangement

Distriktet skal være pådrivar for at barn og unge får kunnskap som utviklar gode haldningar og gode handlingar overfor andre. Det skal skje ved å:

- fremme aktuelle tema som ung psykisk helse, utestenging, seksualitet og seksuell helse
- legge til rette for lokale tilbod for målgruppene til Barnas Røde Kors, RØFF og Røde Kors Ungdom

2.3 VERDIGE LIV

MENNESKE LEVER TRYGGE OG VERDIGE
LIV MED HØVE TIL UTVIKLING




Distriktet skal være pådrivar for sikre nødvendig kapasitet og kompetanse til at menneske med behov for sosial kontakt opplever å bli sett og blir inviterte med i aktivitetar. Det skal skje ved at:

- frivillige blir inviterte til kvalifiserande temakurs innan omsorgsfeltet, m.a. om demens
- besøkstenestene utviklar lokale tilbod som ein-til-ein-besøk og besøksvenn med hund.
- fleire lokale ledd legg til rette for inkluderande møteplassar og fellesarrangement lokalt

Distriktet skal være pådrivar for at migrantar opplever inkluderande støtte i si sosiale etablering i lokalsamfunnet. Det skal skje ved:

- opne møteplassar, fellesaktivitetar og arrangement som fellesturar og familiedagar
- felles Til Topps-tur i regi av distriktet



MÅL FOR ORGANISATORISKE INNSATSOMRÅDE

3.1 HUMANITÆR EFFEKT

VI PRIORITERER OG GJENNOMFØRER HUMANITÆR INNSATS SOM HAR EFFEKT

Distriktet skal vere pådrivar for at den humanitære innsatsen lokalt er behovsretta, har frivillig berekraft på kort og lang sikt, og for å styrke aksepten og forståinga for humanitære behov i lokalsamfunna våre. Det skal skje ved å:

- synleggjere humanitære utfordringar i distriktet, humanitær aktivitet og effekten av denne
- støtte lokale ledd i deira lokale synlegheitsarbeid med same føremål
- bruke offentleg statistikk (Samfunnspuls) som grunnlag for utvikling av aktivitet
- samarbeide med andre om utviklingsprosjekt som gjev erfaring og læring (inkl. Georgia Røde Kors)

3.2 STYRKE FRIVILLIGHEITA

VI INSPIRERER, MOBILISERER OG KLARER Å FÅ MEDLEMMER OG FRIVILLIGE TIL Å BLI

Distriktet skal vere pådrivar for å styrke den lokale Røde Kors-organisasjonen med fleire engasjerte medlemmer. Dei som melder seg vert kontakta, får opplæring og kjem i aktivitet. Det skal skje ved:

- effektiv oppfølging av frivillige i dialog og samhandling med aktuelle lokale ledd.
- opplæring i og hjelp til lokale frivillige i å bruke dei administrative verktøya i organisasjonen
- sikre god informasjonsflyt internt via Agenda, Korsveien, Teams og andre plattformer.
- meir planmessig medlemsrekruttering og medlemsoppfølging

3.3 OPEN OG ENDRINGSDYKTIG

VI VIDAREUTVIKLAR OSS SOM EIN OPEN OG ENDRINGSDYKTIG ORGANISASJON

Distriktet skal vere pådrivar for at lokale ledd legg ei bevisst, framtidsretta retning for eiga utvikling innan prioriterte område som organisasjons- og beredskapskultur. Det skal skje ved å:

- bidra til involverande og fordomsfri dialog internt i organisasjonen og overfor andre
- gje innsyn og oppmode til deltaking i organisasjonsprosessar ved bruk av digitale løysingar
- invitere frivillige som er eigna og interesserte, tidlegare med i kvalifiseringsprosessar til verv
- handsame personopplysningar i samsvar med den nye personvernlovgevinga

3.4 BEREKRAFTIG OG ANSVARLEG

VI SIKRAR TILLIT HJÅ VÅRE DELTAKARAR, FRIVILLIGE, GJEVARAR OG SAMFUNNET RUNDT OSS VED Å GJENNOMFØRE AKTIVITET PÅ EIN BEREKRAFTIG OG ANSVARLEG MÅTE

Distriktet skal vere pådrivar for at:

- frivillige og deltakarar vert godt iarettatt ved planlegging og gjennomføring av aktivitet
- lokale vurderingar av frivillig og organisatorisk berekraft skal vektleggast ved nye satsingar
- inntektsarbeidet vert styrkt for å sikre flest moglege tilgang på hjelp
- informasjon om korleis vi brukar midlar og leverer resultat, vert gjort tilgjengeleg og formidla
- det vert sett utviklingsmål som reduserer klima- og miljøavtrykk, og som er etisk forsvarlege
- lokale styresmakter har meir merksemd på humanitære konsekvensar av klimaendringane